

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**D. Gebh. Theodori Meieri Theologi & Prof. in Academia
Julia Antichiliasmus Absolutissimus**

Meier, Gebhard Theodor

Helmstadii, 1696

§. LXXVI.

urn:nbn:de:bsz:31-105465

adventum in domum Patris sit deportaturus. Deinde non leviter hic aberrant in eo, quod pro sponsâ Christi illos è fidelibus tantum habeant, qui in Ecclesiâ supernâ futuri sunt, ut ex eodem loco Animadversionis apparet, cum potius præconium hoc toti Ecclesiâ, omnibusq; fidelibus competat, qua de re tamen hoc loco litem Chiliaſtis non movebo.

LXXVI. Hypothesis xxii. Ecclesia autem interris Christi præſentiâ, quâ per M. annos gavisa fuit, carens, denuo infestabitur à Gogi & Magogi reliquiis per illud M. annorum spatium in immensum auctis, quas tamen in ipſo molimine Deus igne cœlitus dimiſſo consumet, ac tum ipsam etiam mortem tollet. Ita enim habet Animadv. §. 19. *Post absoluta illa tempora iterum Gog & Magog in posteris suis, in M. illis annis in locis suis ab Hierosolymâ remotissimis auſcendentibus & in ſalsedine suâ & obduratione manentibus, Ezech. XLVII II. visitabitur, unâ cum Sathanâ, qui ex abyſſo per parvum temporis spatium solutus, & contra dilectam Dei urbem sese & Gog & Magog movens in lacum ardentem, ubi bestia & pseudopropheta erant, detrudetur.* Sed & horum vanitatem deprehendere possumus ex illis, quæ antea theſ. 17. deducta sunt, scilicet, nullas reliquias Gogi & Magogi post judicium in adventu Christi habitum, in terris residuas posse manere. De mortis abolitione habentur hæc in Glaubens. Gespr. p. 790. *Denn ob der Todt zur selbigen Zeit (tempore primæ resurrectionis) noch nicht auffgehoben ist / sondern erst nach den Apocalyptischen 1000. Jahren / wenn du dem Vater das Reich überantworten wirst / auffgehoben / und in den feurigen Pfuhl geworffen wird; &c.* Huc trahit illud Apoc. xx. 14. ubi tamen longe aliam mortem intelligendam esse, quam mortem cor-

corporis, inde patet, quod mors non sit substantia vel suppositum, quod in aliquem locum possit projici; sed ens merè privativum, adeoq; nonens. Quis vero concipere queat, qua ratione nonentia possint in lacum sulphure adventum projici? Manifesta absurditas, quâ vel solâ quicquid ex Prophetarum Oraculis eruunt nostri Chiliastæ, satis suspectum reddere valeant.

LXXVII. Hypothesis xxiii. Post hæc Ecclesia in terris vivens in ipsum cœlum deportabitur, postquam à Christo singuli fideles prius erunt immutati. Docet hoc Animadv. §. 33. Quicumq; in hanc florentem „ Ecclesiam, quæ in terris est, è deserto intrant, illi ex „ tribulatione ad felicem aliquem statum perveniunt „ & promissione sanctâ fruuntur, usq; dum ipsi immu- „ tati ad cœlestia transferantur. Conf. Sendschr. §. II. „ Id quod pugnat contrâ thesin. 23. ubi fideles statim post adventum Christi in cœlum assummendos esse demonstratum est.

LXXVIII. Hypothesis xxiv. Sequetur hæc alterum Christi iudicium in solos mortuos habendum, ita ut Christus non descendat, ad ipsos iudicandos; sed mortui sistantur ipsi. Agitur hac de re in Glaubens- Gespr. p. 837. Item in Animadv. §. 26. *Atque ut hæc „ plenius haurias, notandum est, in iudicio post M. annos „ à Deo instituendo non vivos & mortuos, sed tantum „ mortuos esse iudicandos. &c.* Et interiectis nonnullis: *Post M. annos non descensurus est Christus, sed omnes i- „ psi sistentur mortui.* Quæ impingunt in thesin. 7. 8. 16. 18. &c. Cæterum omnia regnum M. annorum secutura complexus est Animadvertens in §. 27. qui omnino legi hic meretur.

LXXIX. Breviter autem ut complectar totum vanitatis Chiliasticæ nexum, & sub continuâ narra-